

但畫御座、殿下圓座等、掃部寮官人設之、殿上小板敷薄帖、大藏省設之也、家君輔世等點檢也、又今日畫御座御硯、朝餉御冠篋、泔坏、御手水間二階棚等被設之而已、自餘御調度不被供之、大床子二脚御圓座等又不被設之、但大床子二脚、御厨子一對、殿上御倚子、殿上日給札、獅子狛、御膳棚等、注置御帳中、其期設之、

一直廬設如例、今日殿下御座新調調進、掃部官人敷設之間輔世加點檢也、

一右畫御座、殿下圓座、直廬殿下座、陣軾等、掃部頭欠官、雖穢中依流例從傍局清所調進也、

一午刻前、諸司御裝束等具間、告奉行畢、

〔性靈集四〕奉賀天長皇帝和淳卽位表一首

沙門空海言、空海聞、四序代謝、日月斡於穹隆、五才更生、萬物成于盤薄、故能青昊黃軒、乘時出宸、雙瞳八彩、揖讓相推、萬方宅心、四海擊腹、蕩蕩之稱、千古仰之、伏惟皇帝陛下、道超善貸、德均洪鑪、簡鍾堯心、位握舜寶、天兄天弟、前皇後皇、仁高往帝、義凌後辟、明才之詩滿巷、何力之頌可期、幽顯俱歡、動植憑惠、况乎於微僧、誰任手足、不任鳧藻之至、謹奉表陳賀以聞、輕黷宸嚴、伏深戰越、沙門空海誠惶誠恐謹言、

弘仁十四年四月二十四日

沙門空海進

〔續日本後紀一〕仁明天長十年三月戊子朔、僧綱以下高僧數十人來會闕庭奉賀踐祚、

〔扶桑略記二〕光孝元慶八年二月五日丙申、文武百官警蹕前驅、奉迎新帝、六日丁酉、僧都已下率威

從僧等奉參東宮慶賀天皇也、以內藏寮綿絹賜之、

〔三代實錄四十五〕光孝元慶八年三月三日甲子、御齋燒燈、一依舊儀、威儀師一人、率西大寺僧二十五人奉

爲天皇轉念金剛般若經五十卷、延命真言一萬遍、錄其事由詣闕進獻奉賀踐祚也、

〔默雲集四〕謹奉慶新主後土御門踐祚、

吾皇治出禹湯前、九五位高龍在天、太史若書登祚日、宜偏寬正甲申年、〇五年